

TEMOKO YA MOYA

 Ntata rona ya Mahodimong, ke batla ho hhalosa, ha nka kgona, hoseng hona, kamoo ke ikutlwang pelong ya ka ka e Mong, ya Halalehileng hara ba Halalelang, ka ho theohela lefatsheng, le ho lopolla moetsadibe ya kang nna. Mme ke kgolwa baruti bana ba leng teng jwale, ba ka ikutlwa jwalo, hore e bile ka mohau wa Hao ha re entswe baruti ba selekane sena, seo O se neileng morabe o weleng wa Adama. Mme re mona hoseng hona, Ntate, ha re a bokana ka sepheo se seng haese ho tseba, le ho ithutela ho—ho tseba, ke rialo, thato ya Modimo le seo re tshwanelang ho se etsa ho etsa Kreste nnete bathong ba moloko ona. Ho tseba ruri hore ka tsatsi la Kahlolo, re tla tobana le moloko wona sefahleho le sefahleho. Mme, ka ho ba bareri, re tla ba baahlodi. Mme batho bao re buileng le bona, le boitshwaro ba bona nqa Lentswe leo re ba tlisetsang lona, bo tla rala Bosafeleng ba bona. Ka baka leo, Morena, ka tsatsi leo re tla ba moahlodi ya emelang kapa ya kgahlano le moloko oo re o reretseng.

² Ntate, Modimo, hle, ka Lebitso la Jesu, re se bue lenseswe le le leng le ka fosang. Empa re ke re be le dipelo tse tshepehang le dikelelo tse bulehileng re tle re amohele dintho tseo e leng tsa Hao, re tle re kgone ho tswela mapatlelong a rona a fapaneng a mosebetsi, ka mora kajeno, mme—mme re hlometswe ho feta ka baka la kopano ya rona le Wena hoseng hona. Fana ka sena, Morena. Na O ke ke wa tla ba sebui sa rona le ditsebe tsa rona, le leleme la rona le mehopolo ya rona? Ho nahanisisa ha pelo ya ka, mehopolo ya kelelo ya ka, hohle ho ka ho nna, le ho leng ka ho baena bana ba ka le dikgaitsedi tsa ka, ho ke ho amohelwe mahlong a Hao, Morena, re tle re tlatswe le ho leotswa ke Moya wa Hao, wa Boteng ba Hao mona, hoo phaphosi e tla fetoha...phaphosi, e seng hakaalo mohaho oo re dutseng ho wona, empa mohaho oo re phelang ka ho wona, o fetoha leru la Kganya ya Modimo ka bottlalo. Re ka tloha mona hoseng hona re tlatsitswe ke Moya o Halalelang hona hoo re ka ikemisetsang ho feta pele bophelong ho isa Molaetsa molokong o shwang oo re phelang hara wona. Re utlwe, Morena, le ho bua le rona ka Lentswe la hao, hoba re e kopa ka Lebitso la Mora Hao le Mopholosi wa rona, Jesu Kreste. Amen.

³ Ke lakatsa ho bala, hoseng hona, e—e karolo ya Lengolo le fumanwang ho Dipesalema, Pesalema ya 105. Ke lakatsa ho bala karolo feela. Lona ba tshwayang Mangolo ana a balwang; ke bona ba bangata ba bona; mme mme kaha re le

bareri le jwalo-jwalo. Ho molemo ho bala Lentswe. (Mme, jwale, ka tlwaelo ba tswa ka nako efe, mohlomong ka hora ya leshome le metso e mmedi? Ho thweng? Ke a leboha.) Dipesalema 105:

Rorisang JEHOVA; le rapele lebitso la hae: tsebisang diketsotsa hae hara ditjhaba.

Mo roriseng, ka dipina tsa lona: le nahane ka mehlolo ya hae kaofela.

Ithoriseng ka lebitso la hae le halalelang: dipelo tsa ba batlang JEHOVA a di ke di thabe.

Batlang JEHOVA, le matla a hae: le batle sefahleho sa hae kamehla.

Hopolang mehlolo ya hae eo a e entseng; le meeka ya hae, le dikahlolo tse tswileng molomong wa hae;

Lona lesika la Abrahama bahlanka ba hae, le lona bana ba Jakobo bakgethwa ba hae.

JEHOVA ke yena Modimo wa rona: dikahlolo tsa hae di aparela lefatshe lohle.

O hopola selekane sa hae ka ho sa yeng kae, le mantswe leo a le laoletseng meloko e sekete.

E leng selekane seo a neng a se hlabe le Abrahama, le kano eo a neng a e ane ho Isaaka;

Eo a kileng a e etsa komelo e tiileng ho Jakobo, le selekane se sa feleng ho Iseraele:

A re, Ke tla o nea lefatshe la Kanana, e be kabelo ya lefa la lona:

Enere ba eso ho be batho ba bakae; ba sa fokotse, e sa le basele, ho lona.

Ba ntse ba sepela le ditjhaba, le mebuso le merabe;

Ha a ka a lesa motho ho ba tuba: a laela marena, ka baka la bona;

A re, Se ameng batlotsuwa ba ka, le se ke la etsa baporofeta ba ka hampe

⁴ Morena a hlohonolofatse palo ya Mantswe a Hae. Ke tshwere Mangolo a mmalwa a ngotsweng mona kae-kae ao mohlomong ke neng ke tla lebisa ho wona tsamaong ya nako.

⁵ Ke a ipotsa, kajeno, Mopresidente ya latelang etlaba mang? Dikgethong tse tl Lang, le a tseba. Mopresidente kgetlo le tl Lang lena etlaba mang? Hola ke tseba tenng? Ya tsebang o mong feela, mme ke Modimo. Mme hola Modimo a ka ntshenolela Mopresidente ya latelang, mme ke ntoo ema mona Phoenix le ho lepa hore monna sekete-kete etlaba Mopresidente ya latelang wa Dinaha tse Kopaneng? Mme taba

eo ba e manehe dipampiring le jwalo-jwalo, mme e otle botsekeng. E nepahale, mme e be hohle hoo ke ho boletseng ho tla hlaha. Empa e ne e tla thusang? Ho thusang, le hona, hola ke—hola nka etsa jwalo? Dipampiri di ne di tla e phatlalatsa, mme e tswe mohlomong, efela ha motho eo a ka lepa jwalo mme ya napahala, dikoranta tsohle le dimakasine di ne—di ne di tla e ama.

⁶ Empa le a tseba Modimo ha o sebetse dintho tse jwalo, Modimo ha o sebedisetse matla a Hae le dineo tsa Hae bothotong. E tla ba, hore Mopresidente ke mang, etlaba Mopresidente. Mme ho tseba jwale hore Mopresidente etlaba mang, ho ke ke ha re thusa le ka sente e le nngwe. Ho ke ke ha re tswela molemo le o monyenyan e ho tseba hore Mopresidente etlaba mang. Kahoo, ka baka leo, Modimo ha o sebetse dintho tseo jwalo.

⁷ Mme, hape, ha ke entse bolepi bo jwalo, mme bo hlahile, le dikoranta tsa bo hlahaha, le makasine, e ba tlotla ho *nna*. Batho ba tla re, “Shebang hore Moena Branham ke moporofeta ya mokakang. O re boleletse esale pele hore Mopresidente etlaba mang.” Mme e ba tlotla ho *nna*. Empa Modimo ha o... Ha A thahaselle ho sebetsa dintho tlotlisong ya ka, kapa ho—ho tlotliisa monna e mong. O thahasella ho sebetsa dintho tlotlisong ya Hae, ntho e tlang ho thusa.

⁸ Jwaloka Paulose ha a itse, “Ha re bua ka dipuo mme ya fetolang a le siyo ho rona, ho thusang? Re mpa re itlotlisa,” mme, ke hore, kapa “ho ikahisa.” Taba eo e batla e tswile motjheng wa Modimo. Modimo o batla ho Ikgahisa. Mme ha re a lokela ho batla boikgahiso, empa ho hahisa Modimo ka sohle seo re se etsang.

⁹ Kahoo ka baka leo, ke dumela hoseng hona, hola ke tsebile hore etlaba mang le hore o tla kgethwa neneng hantle, mme, oh, o tla hlola ka divoutu tse kae kapa ka tlase, kapa seo ekabang sona, ho ne ho sa tlo thusa ho e bolela. Ho ka ba molemo hore hore ke ikgutsetse le hoja ke e tseba. Eseng ho leka ho e phatlalatsa, hobane ho ka ba—ho ne ho sa tlo ba le lebaka hore ke e etse. Hobane, e tilo etsahala, le hona, mme ha e re etsetse phapang ya letho hore Mopresidnete etlaba mang.

¹⁰ Empa, Modimo, ha A sebedisa dineo tsa Hae, O di sebedisetsa tlotla ya Hae ka sebele, le tlotlisong ya batho ba Hae, tlotlisong ya Kereke ya Hae, kahisong ya Mmele wa Kreste, le tlotlisong ya Mmuso wa Modimo. Ke lebaka leo A abang dintho tsena ka Kerekeng ya Hae, lebaka leo A nang le baruti, moporofeta, baevangeli, badisa. Ba beilwe bakeng sa kahiso Kereke le tlotlisong ya Modimo. Moporofeta ha a lokela ho tswa le ho itsunyaka le lefatshe le ho leka ho nka neo jwaloka ha Baalame a entse, le ho senya

kapa—kapa tjhelete ka yona kapa ho hong. Haele moporofeta, o tshwanetse ho senola Modimo ho Kerekele ho tswa dinthong tsa lefatsho. Tsohle di etsetswa tlotsiso ya Modimo!

¹¹ Jwale re na le... mme ke hopola ho le molemo ho rona, jwaloka baruti, ho latela taelo ya rona, ha re bona dintho tse tshwanang le tseo re di bonang lefatsheng kajeno. Mme re neilwe taelo e tswang ho Modimo, ke ho lemoha meya, ho leka moy. Ke dumela eo e le thuto e kgolo haholo ho kereke kajeno, ke ho leka moy wa eng kapa eng, ho fumana temoho ya moy. Ha ke nahane leka mohla, le ho leka, ha re a lokela ho leka ho ahlola motho ka phutheho eo e leng setho sa yona, kapa ka sehlopha seo ba phuthehileng le sona, leha e le Methodise, Baptise, Presbeteriene, Pentekosta, kapa—kapa seo ba kabang sona. Ha re a lokela ho ahlola monna ka phutheho eo a leng setho sa yona. Kamehla re lokela ho mo ahlola ka moy oo a nang le wona, le a bona, moy. Hore ke wa pula tsa hwetla kapa pula tsa selemo kapa wa tsa kahare, pula tsa kantle, kapa e se wa pula, kapa seo ekabang sona, ha re a lokela ho mo ahlola ka seo, empa, ka moy wa hae. Re loketse ho lemoha moy. Hlokomela seo monna a se hopotseng, seo a nang le sona... seo a lekang ho se fihlela. Ha monna, ka neo, ho sa tsotellehe hore neo e kgolo hakakang...

¹² Jwale ke batla ho tlisetra Kerekeng sena hoseng hona, etswe, diphuthehong tse fapaneng tsa borapedi le ntse le le Kereke ya Modimo o phelang, mmoho. Mme ntho eo ke batlang ho le tlisetra yona ke ena, le a bona, hore ruri ha re a arohana. Re majwe a sehilweng ka dibopeho tse fapaneng, wohle a etseditswe tlotsiso ya Modimo.

¹³ Jwale, ho na le ho hongata tsatsing leo re phelang ho lona, ho maloka le “dineo.” Batho ba bangata ba ahlola batho ka dineo tseo ba nang le tsona. Be, ke dumela hore dintho tsena ke dineo. Ke dumela hore seo re se bonang se etsahala ke neo, mme ke dineo tse abilweng ke Modimo. Empa, rona, ha re sa di sebedise ka nepahalo eo Modimo a di baletseng ho sebediswa, re ka hlahisa kotsi e fetang ka dineo ho feta hola re ne se na dineo tseo. Nkile ka hlahisa polelo sefaleng bosiu bo bong, ke bua sena, hore nka mpa ka bona lerato la boena le phela hara kereke, hola re se na taba e le nngwe ya phodiso kapa ntho efe feela ese. Le a bona, re tshwanela ho tseba lebaka la dintho tsena.

¹⁴ Jwale, ha monna a tla mme a na le neo e kgolo, ho sa tsotellehe ke setho sa phutheho ya rona ya bodumedi kapa phutheho e nngwe, le se mo ahlole ka phutheho eo a tswang ho yona, kamoo a aparang, empa seo le batlang ho se bona ke seo a lekang ho se etsa ka neo eo. O na le sepheo sefe. Ha a leka ho nka tshwaetso ya hae mme a ikahela lebitso le leholo ka yona, ke tla ba le temoho ya moy e lekaneng ho tseba hore hoo ho

phoso. Ho sa tsotellehe ke moruti e moholo hakae, o matla hakae, o hlalefile hakae, kapa hore neo ya hae e sebetsa jwang, ha a sa leke ho fihlela ho hong molemong wa Mmele wa Kreste, temoho ya hao ya moye e tla o bolella hore hoo ho phoso. Ho sa tsotellehe e nepile hakae, e phethahetse hakae, hore e jwang, e phoso ha e sa sebedisetswe Mmele wa Jesu Kreste.

¹⁵ Ho finyella ho hong, ekaba o na le neo e kgolo eo ka yona a ka kopanyang batho mmoho ka matla a maholo a hlalefo kapa a moye, ao a ka kopanyang batho mmoho, mme ekaba o leka ho nka neo eo le ho itumisa hore a be le lebitso le leholo, hore baena ba bang ba mo shebe e le motho ya itseng e moholo. Etlaba e phoso. Ekaba o leka ho—ho ahisa ntho e itseng mona a batla ho tlosa motho e mong le e mong temeng mme yena le sehlopha sa hae e be setshwantsho seo. Hoo ho ntse ho le phoso, le a bona.

¹⁶ Empa ha a ena le neo ya Modimo mme a leka ho ahisa Mmele wa Kreste, ha ke tsotelle ke setho sa eng. Ha o ke o lemotha monna eo, o lemotha moye, bophelo bo ka ho monna. Mme ke seo Modimo a re boleletseng ho se etsa. Ha re eso rongwe ho lemotha e—e sehlopha sa monna eo. Empa re qopheletswe mme re laelwa ke Modimo ho lemotha moye o kahara monna, seo a lekang ho se etsa, seo moye o bophelong ba hae o lekang ho mo tataisetsha ho sona. Mme ha re ka mo fumana a leka ho tsamaisa batho (e seng ho ba pshatla, empa ho ba kopanya mmoho) le ho fihlisa Kereke ya Modimo o phelang, e seng bohole phuthehong e le nngwe e hlophilweng, empa kutlwisisong, setswalleng, bonngweng ba moye. Ka hona ha e le wa pula ya selemo kapa pula ya hwetla, kapa seo e kabang sona, moye wa hae le sepheo sa hae se lokile. Mme moye o ka ho yena, ho sa tsotellehe ke setho sa motsamao ofe, Moya o ka ho yena o leka ho supisa batho Kalvari, hole le yena kapa hole le ntho efe feela ese, empa phihlello e le nngwe a nang le yona e le ho ba supisa Kalvari. Ha a tsotelle hore wa tsejwa kapa tjhe. Ha a tsotelle hore na esitsa le tsamaiso ya hae ka sebele... etswe ho itoketse, le a bona, ho molemo, ha e le Momethodise, kapa Presbeteriene, kapa Moroma wa Katolike, kapa seo a batlang ho ba sona ka phuthehong e hlophilweng.

¹⁷ Empa ebe o leka ho etsang, sepheo sa pelo ya hae seo a lekang ho se finyella? Ke moo o ka bonang se bophelong ba monna, hore na merero ya hae e bakeng sa hae—sa hae mokgatlo wa hae, hore o bakeng sa hae ka sebele na, hore o bakeng sa botumo ba lefatshe na, hore o bakeng sa mabitso a maholo na, ho re, “Ke nna ya lepileng seo, se etsahetse ka nepo.” Jwale, le a bona hoo ho phoso hona mono, le ho qala. Empa ha a leka ho sebedisa seo Modimo a mo fileng sona, jwaloka moruti, jwaloka moporofeta, jwaloka seboni...

¹⁸ Moporofeta wa Testamente e Ntjha ke moreri. Bohle re tseba seo. Mosebeletsi ofe feela wa moreri ke moporofeta, moporofeta wa Testamente e Ntjha, ha a porofeta, a rera, a sa leke ho ikgahisa ho etsa lebitso le leholo, kapa ho ahisa mokgatlo wa hae. Etswe, o loketse ho ba mokgatlong. Ke nna enwa ha ke na wona, empa ho rera o loketse jwalo. Ke hantle. Monna ka mong o tshwanertse ho ba le kereke ya lehae. O tshwanetse ho ba le sebaka, e seng feela ho kgera hohle ho ya kwana le kwana, empa kae-kae moo o tsmayang kereke mme o e bitse kereke ya hao, moo o lefang karolo ya hao ya leshome teng, le moo o thusang ho tshehetse Tsela. Ikgethele, empa jwale o se seholle selekane sa monna e mong hoba feela e se setho sa sehlopha sa hao. Le a bona? Lemoha moyo wa hae mme o bone hore o na le sepheo se tshwanang pelong, ke moo le nang le setswalle. Le sebeletsa Tsela e le nngwe e kgolo. Eo ke tsela ya Kreste. Ke nahana hoo ke nnete e tileng.

¹⁹ Jwale, ha re ka elellwa merero le dipheo tsa baporofeta ba Testamente ya Kgale, banna bao ba ne ba ena le pheello e le nngwe, mme e ne e le Jesu Kreste. Lepetjo la bona bohle la Testamentse ya Kgale le ne le teela ntho e le nngwe hare, Messia ya tlang. Ba—ba sa tswe ho etsa dintho bakeng sa tjhelete feela kapa bakeng sa botumo. Ba ena le ntho e le nngwe, ba ne ba tlotsitswe ke Moya wa Modimo, mme ba lepa Messia ya tlang. Mme banna bao ba ne ba tlotsitswe ke Moya hoo ka dinako ba ne ba etsisa Moya o ka ho bona, eke hoja ba bua ka bona ka sebele. Hlokamelang kamoo Moya wa Modimo o no ba laola kateng.

²⁰ Re tla nka, ho tea mohlala, Moshe, moporofeta e moholo, kamoo monna eo a na se na pheello tsa boikgantsho ho hang. Ekaba kgosi ya Egepeta. Lefatshe le ka ba tlasa maoto a hae. Empa kahobane e ne e le moporofeta pelong, a hana ho bitswa mora wa moradi wa Faro, a kgetha ho o utlwa bohloko ba tshwenyeho le diteko tsa Kreste, a kgolwa ruri hore matlotlo a Lehodimo a feta matlotlo a Egepeta. A itela mme a itima botumo ba lefatshe, boiketlo le e—e dintho tseo bophelo bo fanang ka tsona. A lokela ho sheba ka nnqane ho ntho tseo. Le a bona, e—e ka be e bile seo.

²¹ Nkang moreri feela kajeno, ha a ena le kolobetso ya Moya o Halalelang, mme a tseba hore ha a rera Lentswe leo, botumo ba hae bo qephiswa ke hona; ho tla mmea kerekeng e nyenyane kae-kae, kapa mohlomong kantle seterateng. Empa o a tseba hore pelong ya hae ho tuka ntho e nngwe. O bona Ho tla ha Morena. Ha a tsotelle hore o na le kereke e kgolo kapa kereke e nyenyane. Ha a tsotelle hore o na le dijo tsa kajeno kapa dijo ha di yo. Ha a tsotelle hore o na le diaparo tse ntle kapa ha a na diaparo tse ntle. O ela ntho e le nngwe feela hloko, mme ke bona Bophelo bo tsetselang

ka hare ho yena. O leka ho finyella ho hong tlotsong ya Modimo, mme monna eo, ka ho etsa jwalo, o tla etsisa bona Bophelo ba Moya o ka ho yena. Na le ntshala morao? O tla bo etsisa.

²² Shebang Moshe mohla a fihlelang nako ya ho pepesa, bophelo ba hae bohole e le Moya wa Kreste, hoba Kreste a na le ka ho yena. Kreste o na le ka ho Moshe, ka tekanyo. Jwale, ha re ka hlokomela, o tsweetswe nakong ya hloriso. Bana ba bolawa ho leka ho fumana yena, jwaloka ha ba entse Jesu hantle. Mme re fumana hore eitse ha a fihla moo bana ba Iseraele ba ne ba hlokile kutlo hoo Modimo a na ba halefetse, mme A re ho Moshe, "Siroha mono mme Ke tla ja seholpha sa bona kaofela, mme Ke tla o nka ke tsose moloko o mong."

²³ Moshe a itahlela tseleng ya kahlolo ya Modimo, le ho re, "Nka nna pele O ka ba nka." Ka mantswe a mang, "Pele O ka ba tshwara O tla lokela ho feta hodima ka."

²⁴ Ke se entsweng ke Jesu Kreste hantle. Modimo a ka be a na a hlakole lefatshe lohole le baetsadibe bana, nna le wena, empa Kreste a Itahlela tseleng. Modimo a ke ke a etsa hoo, A ke ke a feta hodima Mora Hae ka sebele.

²⁵ Mme eitseha Modimo a bona Moya oo ho Moshe, o leketla kahlolong eka sefapano mono, "O ke ke wa ba atamela, O tla lokela ho nka nna pele," le bona Moya wa Modimo ka ho Moshe? Athe ekabe e ne e be kgosi ya Egepeta, athe akabe a fumane boiketlo bohole lefatsheng, ho tuma, athe e ka be ne e be kgosi e kgolo ya lefatshe nakong eo. Empa a kgetha ho hloriswa le ho tlatlatjwa, hoba a kgotswe ruri hobane sekgobo sa Kreste ke menono e fetang ya Egepeta. Le a bona, a itahlela tseleng. Hobaneng? Modimo ka ho Moshe ke wona o entseng hoo. Monna ya nahanang, ya hlalefileng a ka be a sa etsa hoo, o ne a tla inkela tsela e bobebe. Kahoo ho sa tsotelehe hore Moshe e ne eka lehlanya hakae, o ne a leka... Le a bona, e ne e le moporofeta wa nneta wa Modimo, hoba o ne a leka ho finyella ho hong bakeng sa Mmuso wa Modimo.

²⁶ Jwale, ka neo e kgolo ena ya boporfeta e ka be e le monna ya bohlale, a ka be a na a eme Egepeta le ho re, "Jwale be butleng, ke tla porofeta hore-le-hore. Ke tla bolela hore-le-hore," mme boporfeta ba hae bo be jwalo. Empa ke... mme, oh, a ka be a ile a tuma lefatsheng lohole. Empa seo se ne se sa dula pelong ya hae. Se ke ke sa dula pelong ya hae.

²⁷ Kahoo ha le bona motho ka neo e kgolo, a leka ho etsa ntho ho itlotlisa, temoho ya hao ya moyo e o jwetsa hore ho phoso. Empa Moshe o ne a leka ho finyella ho hong tlotsong ya Modimo. Ho sa tsotelehe kamoo ho nong ho le hobe; eka ho

kgopo hakae, ho no ho buuwa ka yona hakakang, Moya o ka ho Moshe o ne o mo tsamaisa tseleng ya kutlo. Moya o ka ho yena!

²⁸ Shebang Josefa, Josefa o ne...mohla a tswalwang, a ratwa ke ntate mme a hloilwe ke banababo, papiso e phethahetseng ya Kreste. Mme yona feela...e le moena wa bona wa madi, ntate a le mong. Empa lebaka leo banababo ba mo hloileng, ho se lebaka, ke hoba Modimo a ne a mo entse moporofeta, motho wa moyo, seboni. Mme ba mo hloela sepheo sona seo. Empa Josefa a ke ke a ithusa, hobane, ke Modimo o mo entseng jwalo.

²⁹ Mme le hlokomele Moya wa Modimo ka ho Josefa. Hlokamelang seo a se entseng. O bile a tlatsa karolo ya Kreste. A hlouwe ke banababo, a ratwa ke ntatae, hoba Moya o ne o etsa phapang. E le monna wa moyo. A bona dipono, a kwaholla ditoro. A sa e etse ho itlotlisa. A e etsa hoba ntho e le ka ho yena, Moya wa Modimo. A ke ke a tswela ntle mono ka boyena, mme a dihetswe lemeneng, mme ntatae wa motsofe a hlomoha dilemo tseo tsohle, a rekiswa ka dikotwana tse ka bang mashome a mararo tsa silifera; ho ntshwa lemeneng, le ho fetoha monna letsohong le letona la Faro, kgosi ya lefatsetsi nakong eo. Mme ka tjhankaneng ya hae ha ba le moqhatsetsi le moapehi, mme e mong a timela mme e mong a bolokeha, ho latela bolepi ba hae, ka tlung ya tjhankana.

³⁰ Mme na le hlokometse Jesu ha A fihla, A ratwa ke Ntate. Mme ntate a fa Josefa kobo e mebala-bala (mookodi, selekane). Mme Ntate, Modimo, a fa Mora hae, Jesu, selekane, mme moena wa Mojuda a Mo hloya ho se lebaka. Ho se lebaka la hore a Mo hloye, E le motho wa moyo, mme E le Lentswe la Modimo le bonahatswang. O tlide ho etsa thato ya Ntate, A tlide ho phetha Lengolo. A tlide ho ba tlisetsa kgotso, empa ha ba ka ba Mo utlwisia, mme ba Mo hloya ho se lebaka. Ha ba ka ba thola le ho leka ho bona seo A na a leka ho se finyella. Ba Mo ahlotse feela hoba a sa dumellana le bona. Ba etsa... “O Iketsa sekete-kete. O Iketsa Modimo.” E ne e le Modimo! Modimo o no o le ho Yena. Bibele e boletse Modimo o no le ka ho Kreste, ho Ipontsha lefatsheng. E ne e le Modimo wa Kganya ya bontshang kganya ya Modimo.

³¹ Shebang Moshe, a ke ke a ithusa ho itahlela mono. A sa etse hoo ka boikaketsi. A ho etsa kahobane Modimo a le ho yena. Le Josefa a ke ke a ithusa ho ba seo a neng a le sona, hoba e ne e le Modimo ka ho yena a sebetsa kapa a ipepesa ka monna. Ha a e etsa ho itlotlisa le ka mohla.

³² Monna ofe ya... Hola baprista bao ba lemoha moyo, jwalo kaha ke bua le lona hoseng hona. Ho sa tsotellehe kamoo

lefatshe le buileng ka Yena, ba ka be ba tsebile hola ba sheba Lentsweng, hola ba bone sepheo sa Hae. Kamehla A a etsa hoo ho tlotsisa Ntate. O itse...Ba re, “Oh, monna enwa ke mofodisi e moholo, O etsa dintho tsena jwalo.”

³³ A re, “Nke ke ka etsa letho pele Ntate a Mpontsha. Ha se Nna ya etsang mesebetsi. Ke Ntate ya ahileng ho Nna, ke Yena ya etsang mosebetsi.” A sa inkele tlotsisa.

³⁴ Le mohlanka ofe feels wa Modimo ha a inkele tlotsila. Le mohlanka ofe feels wa Modimo ha a nke neo ya Modimo mme a leke ho itlotlisa, kapa letho feels, empa phihlello ya hae e nepileng ke ho etsa ho hong tlotsisong ya Modimo. Ke ka hona le bonang hoo kajeno. Re tshwanetse ho ba le temoho ya moya, ho bona seo motho a lekang ho se etsa. Na ba leka ho tlotsisa Modimo? Na ba leka ho itlotlisa?

³⁵ Jwale Moya wa Modimo o sebetsang ka ho motho o fetola motho eo ho itshwara jwaloka Modimo. Ha ho makatse ha Jesu a itse, “Na ha ho a ngolwa, ‘Le medimo’? Mme ha ba bitsitse bao Moya wa Modimo o tlileng ho bona ‘medimo’, le Nqosa kang, ke hona, athe Ke Mora Modimo?” Hola la bona Moya wa Modimo ka ho Moshe, etswe, e ne e le Modimo. Moshe e ne e le modimo. Josefa e ne e le modimo. Baporofeta e ne e le medimo. Bibebe e ba boletse jwalo. E ne e le medimo hobane e...ba ne ba inehetse Moya wa Modimo ka bottlalo, ka hore ba ne ba sebeletsa tlotsisa ya Modimo.

³⁶ Mme motho ha a tlotsitswe ke Moya hona...Jwale taba ena e ke e thophothele ka botebo tlasa kgopo ya bohlano ka letsohong le letshehadi. Motho ha a tlotsitswe ke Moya wa Modimo hona, ditlwaelo tsa hae, diketso tsa hae, ka nngwe, ke Modimo o tsamayang ka ho yena. Ka nako tse ding o ahlolwa hampe.

³⁷ Shebang Davida, Pesalemeng ya 23, o howeeditse, “Modimo wa ka, Modimo wa ka, o ntahletseng na?” eka hoja ke yena, hola Davida e ne e le monna eo. “Bohle ba mphetang, ba nnyekwetsa melomo ya bona.”

³⁸ O ne a tlotsitswe ke Modimo hona, a inehetse ka phethahalo ho Modimo, mme tlolo e dutse hodima hae hona mme yare ha a howeletsa ka Moya wa Modimo, hola motho a na a eme mono, ho re, “Kgele, shebang, o lekanya hore motho o mo swenyetsa molomo. Ebe Modimo o mo lahletseng?”

³⁹ E ne e se Davida, e ne e le Moya o howeletsang ka Davida. “Modimo wa ka, Modimo wa ka, o ntahletseng? Nka bala masapo a ka kaofela. Ba hlabile matsoho a ka le maoto a ka.”

⁴⁰ Be, motho o itse, “Utlwang moikaketsi eo hodimo mono. Ho hlabilwe matsoho a mang? Ho hlabilwe maoto a mang?” Ke mohlalefi eo.

⁴¹ Empa ya lemohong moyo o tsebile e ne e le Moya wa Modimo o howang ka ho yena. Ha motho a tlotsitswe ke Moya wa Modimo, o rua ketso ya Modimo, mme ketso ya Modimo ha e arole. Ketso ya Modimo ke ho re kopanya mmoho hoba ho Kreste Jesu re bang, mme morero wa Modimo ke ho re kopanya. “Le ratane.”

⁴² Jwale, baporofeta ba baholo bao, re bona Moya o tsamaya ka ho bona, Jesu o ba bitsitse “medimo.” O ba bitsitse medimo. Jwale mohla Moya o ne o ba tlela ka tekanyo, empa eitse ha o tla ho e Mong, Jesu, e beng e le Mora Modimo, o tlie ho yena e seng ka tekanyo, bottlalo bohole ba Bomodimo bo ne bo ahile ho Yena ka mmele, hobane E ne e le mohlala o phethehileng. E ne e le Modimo wa Kganya a bonahatsa kganya ya Modimo ho batho, Modimo ka ho Yena a tsamaya hohle. Hlokomela bophelo ba Hae, Testamente ya Kgale yohle, E ne e le mokotaba wa Testamente ya Kgale. Baporofeta bohole ba kgale morao Testamenteng ya Kgale ba howeletse, e seng ka bobona, ba howeletsa tlasa Moya wa Modimo, ho ba fetola ho itshwara jwaloka Modimo hoo ba bileng ba bitswa medimo, mme yaba moo bottlalo ba Moya oo bo bonahatswang ho Jesu Kreste.

⁴³ Shebang Davida mohla a theolwang teroneng jwaloka kgosi ya Iseraele, a lahlue ke batho ba habo ka sebele, a nyoloha Thaba ya Mehlware, leboya ho Jerusalema, mme a hetla motse mme a lla ka hobane a lahlue. E ne e le eng? E ne e le Moya wa Kreste.

⁴⁴ Dilemo tse makgolo a mahlano ka morao, Mora Davida, Jesu, a dula hodima thaba yona eo, a shebile hodima motse, jwaloka kgosi e lahluweng, le ho howeletsa, “Jerusalema, Jerusalema, Ke ratile hakakang ho o bokanyetsa (diphutheho tsa hao tse fapaneng le ntho ka nngwe) jwaloka kgoho ditsuonyaneng tsa sona, empa o hanne. Ke ratile hakae ho etsa hoo!”

⁴⁵ Jwale wona Moya o nong o dutse ho Davida, o nong o bonahatswe ka bottlalo ho Kreste, o ka hara Kereke kajeno o howeletsa batho. “Ke ratile hakae ho le bokanyetsa!” Mme ha le bona dikarohano le—le diphapang le—le selekane sa bona se pshatlilwe, le bophelo ba Bokreste, e mong o kgahlano le e mong, Moya wa Modimo o ka pelong ya hao o a howeletsa. O leka ho finyella ho hong, moporofeta wa nnete wa Modimo, moruti wa nnete o leka ho fihlisa Kereke bonngweng ba moyo, bonngwe ba moyo, ba tle ba elellwe Modimo; ho leka ho e finyella ho sa tsottelehe ke ditho tsa phutheho efe kapa ho thweng ka yona. Re na le temoho ya moyo ho lemotha moyo o ho motho, ho bona hore ke Moya wa Modimo kapa tjhe.

⁴⁶ Jwale, re elellwa hobane mohla A ne a le lefatsheng mona, kamoo A ileng hohle a etsa hantle. Ke eleletswe ntho e fihlang mohopolong wa ka. Na le eleletswe Davida mohla a lahlwang jwaloka kgosi? O ile a tswa motseng, mme Moberjamine e monyenyanne, Moberjamine, a loketse e be moena ho yena, a loketse ho mo utlwela bohloko ka hobane a lahlwuwe, empa keng... E le monna ya holofetseng. Mme a hulana mono maemong a hae a bohole, a thunthetsa Davida ka lerole, mme a mmitsolla hampe, le ho mo rohaka ka Lebitso la Morena, a rohaka Kgosi Davida ka Lebitso la Morena, Moberjamine-nyana enwa wa kgale ya holofetseng.

⁴⁷ Hlokamelang Moya wa Modimo le moya wa Diabolose e a sebetsa. Jwale, ha le ka hlokomela, o ne a holofetse. Hoo ho lekanya kgolofalo ya moya wa batho kajeno ba yeng ba tloke Moya wa nnete wa Modimo ka ho Kreste o Iponahatsang. E ne e le Moya wa Kreste ho Davida ya lahluwang jwaloka kgosi. Mme, kajeno, ha batho ba tloka batho ba amohetseng Moya o Halalelang mme ba leka ho finyella ho hong, ho hula Methodise le Mapentekosta, le Mabaptise le Mapentekosta, le Mapresbiteriene le bohole, mmoho bonngweng, jwaloka Mmele wa Kreste, mme ba bona Moya o sebetsa, ho re, “Be, sheba, ke Mopentekosta eo. A yo wela kwana! Ke tseba e mong ya ttihobileng le mosadi wa monna e mong. Ke tseba enwa ya ileng a tahwa. Ke tseba enwa ya entseng *sena*. Ke tseba enwa ya entseng *sane*.” Hohle hoo, empa ba hodile hoo ba patang dintho tsa bona, ba kgona ho e pata. Empa Davida a hlahatswa. Hobaneng? O ne a ena le Moya wa Kreste ka ho yena.

⁴⁸ Molebedi eo a re, “Na nka kgaolo hloho ya ntja eo e rohakang kgosi ya ka?”

⁴⁹ Hlokamelang Moya wa Kreste ka ho Davida, “Mo tlohele, hobane Morena o mo laetse ho nthohaka.” Le a e tshwara na? “Mo tlohele, Morena o mo laetse ho nthohaka.”

⁵⁰ Kajeno, bakeng sa hoo, re batla ho kgwesa ditebele tsa ronale ho mo lwantsa, le a bona, ho mo kgaola hloho, “Ee, mo ntsheng, ha se wa rona.”

⁵¹ “Mo tlohele, Morena o mo laetse ho nthohaka.” Seritsanyana seo se matha-mathang mono, se thunthetsa Davida ka mobu.

⁵² Kajeno ba etsa Moya wa Kreste jwalo. “Ke mphi ya bahalaledi ba thetthehang. Ke-ke mphi ya *sena*. Ha ho letho ho bona. Ha ho letho phodisong ya Kgalalelo. Ha ho ntho e kang Mangeloi. Ha ho ntho e kang baporofeta.” Dintho tseo tsohle, “Matsatsi a mehlolo a fetile,” ho hafa lerole. Empa ba tloheleng! Empa mohla Davida a kgutlang ka matla, allelua, mohla a kgutlang e le kgosi e tletseng ya

Iseraele... Se tshwenyeheng, Jesu enwa, eo re ruileng Moya wa Hae kajeno, o bapetse karolo ya Hae, o tla boela a kgutla ka mmele wa nama, lekgetlo la bobedi, ka kganya, ka matla le ka borena.

⁵³ Mohafa-lerole eo a namalla ka sefahleho sa hae mme a kopa mohau. "Mo tlohele," Moya wa Kreste ka ho rona. Le se ke la mo kgaola. Ha re hopoleng hobane tsena tsohle di tla etsahala. Re tlameha ho etsa ntho e le nngwe, ke ho tswelapele. Modimo o tshepisitse hore O tla etsa tsohle di sebets e mmoho molemong wa ba Mo ratang. Ha re baballeng temoho ya moya, re boloke sepheo se lokile. Re mona ho sebeletsa Modimo, e mong le e mong a kene botswalleng, ho tsamaya jwalo le ho sebeletsa Modimo. Ha monna a na le sepheo sa mofuta o fosahetseng, ho tla etsahalang he? Le a bona?

⁵⁴ Jwale, re fumana Moya wa Modimo o no o dutse ho Yena. Baporofeta bohole ba kgale ba Mmoletse. Meya yohle, ka karolo, karolwana ka nngwe, e ne e se ho itlotlisa (baporofeta ba nnete), baporofeta bohole ba nnete ba ne ba bonahatsa Yena, ba bua ka Yena. Mme sohle seo ba se buileng se phethilwe ka ho Yena. Ho bontsha hoba e ne e le Moya wa Modimo ka ho bona, e ile ya phethahala. E ne e le eng? Modimo o ne a bua ka Boyena ba hae. Le a bona? Modimo a Iponahatsa ka baporofeta bana.

⁵⁵ E seng ho inkela tlota, "Mopresidente ya latelang ke mang? Mme ke mang ya tla ba *sena*?" Le ho o bata hlohong, "Re bolelle ke mang ya o batileng re tla o dumela." Ha se yona. Ke ntho e bonahatsang Modimo. Ha se ntho e etsang Moena Weathers mona, kapa Moena Shores, kapa Moena Sekete-kete ka ntle kwana, monna e moholo, le ho mo etsa e moholo ho feta banna bohole sehlopheng sa hae, ho mo etsa monna e moholohadi Phoenix. Ha se ho fetola William Branham ntho ya tonana. Empa ke ho etsang? Ha se ho fetola Oral Roberts ntho ya tonana, Billy Graham ntho ya tonanana. Empa ke dipelo, re leka ho finyella ho hong bakeng sa Mmuso wa Modimo. Ke ho bonahatsa Modimo. Dineo tsohle le dintho ha di etse hore e mong a fete e mong ka boholo, di mpa di re sebedissa bohole mmoho bakeng sa phethahatso ya mmele, ho re kopanya mmoho jwaloka batho ba le bang, jwaloka batho ba Modimo. Empa ha o ba bona ba tsamaya kgahlano, o se ba rohake; ba tlohele feela, motho e mong o tlamehile ho e etsa. Empa aka eme ho fihlela Jesu a kgutla ka matla.

⁵⁶ Jwale re bona baporofeta bao bohole ba bua. E mong le e mong wa bona a tlotlisa Modimo le Messia ya tlang. Mme yare ha ba kena Moyeng, ba itshwara mme ba bua le ho phela bophelo jwalo feela kaha Messia a entse. Ha e fela e entse

jwalo mose wane wa sefapano, e bolela ho tla ha Hae, e tla etswa jwalo hakakang hoba A tle, e tla kenya Moya wa Messia ka hara Kereke ho hata kgato, ho etsa, ho sebetsa, le ho phela jwaloka Messia? Ke Moya wa Modimo.

⁵⁷ Lemohang moya oo, bonang hore ke wa Modimo kapa tjhe. Bonang hore o itshwara jwaloka Yena. Bonang hore na ditshisimoho tsa lona... Ha motho a rahela ntho ho wena mme a thuntshetsa bophelo ba hao ka lerole, mme o a tseba hore ha o molato o hona, mme o a tseba hore Moya wa Modimo o ahile ho wena, o se leke ho ikarola. O se leke ho ba etsetsa ka lonya. O se ba rohake. Itsamaele feela, o ntse o tseba hobane Modimo o e entse ho o laya ho bona kamoo o tla e nka kateng. O tla lokela ho fihla ho yona le hona.

⁵⁸ Ho jwaloka ha ke buile tsatsi le leng, ke a kgolwa kerekeng ya Moena Fuller, ka moapalami wa baesekelé Canada. Be, bohole ba hopola hobane ba ka hlola moshanyana enwa, e le ausinyana wa kgale feela. Mme e le yena feela ya sa kgoneng ho palama a sa tshwara dinaka.

⁵⁹ Ke motlotlo haele moo ke rata ho ba e mong wa bapalami ba kgale ba tshwarang dinaka, ho tshwara mahlakore a mabedi a Sefapano le ho re, “Ke tla ke le feela. Ha nke ke tshware Sefapano, Morena, ha ke a hlalefa. Ha ke na letho. Ha nke ke tshware mona, ke shebe hole kwana.”

⁶⁰ Mme ba Bea lepolanka la di-intjhi tse leshome le metso e mmedi ho palama bohole ba boloko ba motse, ho fumana baesekelé ya moetso wa Schwinn e jang didolara tse lekgolo. Bashanyana bao bohole ba kgonang ho palama ba sa itshwarella, ba theohela toropong mme ba tlela mme dikorosari le ho boela ba kgutla ba sa ka ba tshwara le dinaka feela, e mong le e mong wa bona a qala a tadima. Ba sa tlwaela ho itshwarella ka dinaka, mme ba wa. Empa moshanyana enwa wa kgale a hlwella mono mme a tshwara dinaka mme a palama ho fihla qetellong. Ba mmotsa, ho re, “O e entse jwang?”

⁶¹ A re, “Moo le etsang phoso ya lona ke mona, mathaka. Bohle le bapalami ba hlwahlwaa ho mpheta, empa le ne le shebile *mona*,” le ho re, “le tshoswa ke ho bona ntho... Le ne le leka ho iteka-tekanya, mme la wa.” Ho re, “Ha ke a ka ka sheba *mona* ho hang, ke ile ka sheba qetelong ke ntse ke tsitsitse.”

⁶² Ke seo re lokelang ho se etsa. Le se shebe dinthwana tsena jwale, “Na enwa o entse *sena* kapa na yane o entse *sane?*” Sheba qetellong mme o tiye. Kreste o a tla. Sheba qetello, dula o tile feela. Le se tsotelle se etsahalang jwale. Sheba se tla etsahala kwana nakong ya qetelo, mohla re lokelang ho ema le-le ho arabela maphelo a rona.

⁶³ Davida o ne a sa sheba Moberjamine-nyana eo wa kgale ha a mo hafa ka lerole, a bile a holofetse. A se ke a mo tsotella ka letho. Ha a ka adumella molebedi ho mo kgaola hloho, o itse, “Mo tlohele, Modimo o mo laetse ho e etsa. Modimo o mo laetse ho nthohaka, mo tlohele.” Hoba Davida o tsebile a tla kgutla ka matla tsatsi le leng. Moberjamine eo o tla amohela nako ya hae.

⁶⁴ E, ke moo he. Kereke e tla tsoha ka tholo. Ke rometswe ho rapella bana ba Hae ba kulang, le hona. Ke phetho seo nka se etsang. Hohle moo ba leng teng le kereke eo ba leng yona, ha e etse phapang ho nna. Ke leka ho rapella bana ba Hae ba kulang, ho leka ho bonahatsa neo bakeng sa tlotla ya Hae. Ke ka baka leo ke sa kang ka ba setho sa eng kapa eng.

⁶⁵ Jwale, hopolang, ho itoketse. Le a bona, ha ke—ha ke rialo jwale. Ke batla le nkutlwé ka ho hlaka hore ke dumela Modimo a ena le Bakreste kerekeng e nngwe le e nngwe, bana ba Hae. Ha a eso mpotse ka taba eo. Ke mpa ke rometswe ho rapella bana, le ho etsa dintho tsena, le ho Mo bonahatsa.

⁶⁶ Jwale, le a bona, Jesu le baporofeta bana, ntho ka nngwe eo ba e buileng ya lokela ho nephahala, hoba e ne e le matla a Modimo ka ho bona, Modimo ka Boyena o ne a bua ka bona maloka le Botho ba Hae ka sebele bo tlelang tlotliso ya Hae ka sebele.

⁶⁷ “Mopresidente ke mang? Ke mang ya tla kgona, ya tla kgona? Re tla fumana pula e lekaneng monongwaha?” Hoo ha ho bolele letho. Ntho e isang kganya ho Modimo, ntho e ka beang Kereke taolong, ntho e bakeng sa matla a Modimo; e seng ho iketsetsa lebitso, empa ho bonahatsa kganya ya Modimo.

⁶⁸ Jwale re elellwa baporofeta bao bohole le tsohle tseo ba Mmoletseng ka tsona, ntho e nngwe le e nngwe e nepahetse ka hobane Yena e ne e le mokotaba wa Testamente ya Kgale. Jesu, Messia, Messia ya tlang, e ne e le seo moporofeta ka mong a se shebileng ho qala—ho qala ka Adama ho isa ho Malakia. Moporofeta ka mong o buile ka ho tla ha Morena. E mong le e mong a kenya seabo sa hae hoba a ne a tlotsitswe ke Modimo. Ke phetho seo a neng a ka se bua.

⁶⁹ Jwale, eka re ka be re qeta e nako e ngata ho yona. Empa, elang hloko, ntho e nngwe le e nngwe eo ba e buileng e etsahetse. Shebang mona, ha re nkeng tse ding tsa dintho tseo baporofeta ba di buileng.

⁷⁰ “Morwetsana o tla emola mme a tswale ngwana.” Na e etsahetse? Ehlide. “Lebitso la Hae e tla ba Emmanuel,

Kgosana ya Kgotso, Modimo o Matla, Rabosafeleng.” Ke seo A neng a le sona, hantle, “Rabosafeleng.” Ha ho monna ya tla bitswa “Ntate,” lefatsheng lena, empa Modimo ke Ntata lona.

⁷¹ Ho lokile, jwale ha re boeleng re bone. “O hlabetswe melato ya rona, a tetekwa ka baka la makgopo a rona; kotlo e re tlisetsang kgotso e mo wetse hodima, re fodisitswe ka maqeba a hae.” Ntlo ya Pilato ya kahlolo, ka yona nako eo monna eo, a ntseng a phatswa mokokotlo ka sephadi sa katse se mehatla e robong, ha ba ka ba elellwa Mangolo a itseng ho tla ba jwalo. Ba se na temoho ya moyo, baprista bao ba itseng “A yo wela kwana, A yo wela kwana.”

⁷² Mme sefapanong mohla ba swenyang melomo ya bona, le dintho tse jwalo, mohla ba Mo utlwang a howeletsa “Modimo wa Ka, O Ntahletseng na?” Ba ne ba sena temoho. Le a bona, ha ba kgona ho lemoha Moya. Ke se boletsweng ke Davida Pesalemeng ya 22, ba swenya molomo wa bona ba sa tsebe hore ba e etsa. Jwalo feela kaha Moberjamine eo a se entse ho Davida. Le a bona, a hopola Davida a fositse hoba a ne a sa dumellane le yena ka melao ya taolo ya mmuso wa hae. A sa utlwisise hobane Moya wa Modimo ka ho Davida o no o etsa hoo.

⁷³ Ke hona moo re tshwanelang ho lemoha teng, kajeno, moyo wa motho. O leka ho etsang? O lebisa kae? E seng ke setho sa sehlopha sefe, kapa *sena* ke sefe, *sane*, kapa se *seng*, hore ke monna e mosweu, monna e motsho, monna e mosehla, kapa seo a leng sona. Ha re boneng seo a lekang ho se fihlela, mme re nke seo, ho bona seo a lekang ho se etsetsa Mmuso wa Modimo. Mehopolu ya hae e a ileha ho rona, hoo ho itoketse ka phethahalo ha eba a leka ho fihlela ho hong bakeng sa Mmuso wa Modimo. Lemohang taba eo ho yena. Ha a le phoso, mme a tshepeha pelong, Modimo o tla mo phikolosa a mo tlise Nneteng ya ntho eo ka mora nakwana. Mo tloheleng, mo tloheleng, bonang seo a lekang ho se etsa.

⁷⁴ Jwale re bona mona, re fumana lefung la Hae—la Hae, ha A ne a shwa sefapanong, le ho howa dintho tsohle tseo baporofeta ba Mmoletseng ka tsona, “Ba hlabile matsoho a Ka le maoto a Ka.” E phethilwe mono. Baporofeta ba ne ba nepile. Ba hopola e ne e le bona kapa ba howa eka ke bona, empa e ile ya bonahatswa sefapanong.

⁷⁵ “O—O badilwe le moetsadibe.” Ke seo a se entsweng. O ne a ena le baetsadibe. “Lefung la Hae o patilwe le morui.” O entse jwalo, O patilwe lebitleng la monna wa morui. “Nke ke ka tlohela moyo wa Hae...A ke ke a tlohela moyo wa ka,” ho itsalo Davida, Moya wa Modimo o bua ka ho Davida. “A ke ke a tlohela moyo wa ka nqalong ya bafu, le

jwalo A ke ke a tlohela Mokgethwa wa Hae hore a bone ho bola,” eka hoja Davida etlaba Mohalaledi eo. E ne e se Davida, e ne e le Moya wa Modimo o howeletsang ka ho Davida. Le a bona, Moya wa Modimo o howeletsang ka ho monna.

Ba bang ba bona ba itse, “Utlwang moikaketsi eo wa kgale hodimo mono.”

⁷⁶ E ne e se yena, e ne e le Moya wa Modimo o howeletsang ka ho yena. Le a bona, Moya wa Modimo o a iponahatsa, “Moya wa Hae o ke ke wa tlohelwa nqalang ya bafu, le jwalo A ke ke a tlohela Mokgethwa wa Hae hore a bone ho bola.”

⁷⁷ Jwale, banabeso, ho kwaleng, nka bolela sena, nako ya rona e a tsamaya. Empa, shebang, nka bolela sena ho kwaleng, ka Mangolo ana mona. Ha re boneng. Efela ha monna, eo mokotaba wohle wa Testamente ya Kgale o buileng ka Yena, baporofeta bohle ba halalelang ba tlotsitsweng ke Moya wa Modimo, efela ha hoo hohle esita le hohle ba ho buileng ho phethilwe ka ho Yena ho fihla letereng, ruri Motho e moholo eo ya bitswang Mora Modimo o tlamehile ho tseba mokgwa wa ho thea Kereke ya Testamente e Ntjha. Ha le dumele hoo? O tlamehile ho ba le mohopolo wa kamoo Kereke ya Testamente e Ntjha e thewang kateng.

⁷⁸ Ntho ya pele eo ke batlang ho le elliswa yona, ka mona ho Mattheu, kgaolo ya 16, ke hore mohla A—A ne a bua, mohla A ne a theoha mme a bua le barutuwa. O itse, “Ke le Mora motho batho ba re Ke mang?”

⁷⁹ Mme ba re, “Ba bang ba re O ‘Elia,’ mme ba bang ba re O ‘Sekete-kete,’ mme ba bang ba re O ‘Sekete-kete,’ le jwalo-jwalo, ba fapaneng.”

A re, “Empa *lona* le re ke mang?”

⁸⁰ Mme Petrose a re, “O Kreste, Mora Modimo o phelang.”

⁸¹ A re, “O lehlohonolo Simone, mora Jonase, hoba nama le madi ha se tsona tse o senoletseng hona, empa Ntate wa Ka ya Lehodimong o o senoletse hona. Mme—mme Ke re ho wena o Simone, kapa Petrose, mme hodima lejwe lena Ke tla haha Kereke ya Ka, mme dikgoro tsa nqalo ya bafu ha di ka ke tsa E hlola.” Jwale, mono re bua ka Kereke. Jwale elang hloko, mme, ha ke le phoso, Modimo a ntshwarele le lona le ntshwarele.

⁸² Jwale, e—e kereke ya Katolike re “Ke lejwe le neng le robetse mono, *Petrose*, mme O hahile Kereke hodima Petrose.” Jwale, re a tseba hoo ho phoso. Rona Maprotestanta ha re e dumele.

⁸³ Empa rona Maprotestanta re itse, “O hahile Kereke ya Hae hodima *Hae*.” Empa, ha le ka lemoha, ke batla ho hanana le hoo, ka sempphato. E ne e se hoo.

⁸⁴ E ne e le hodima *tshenolo* ya moya ya sebele sa Hae. Le a bona? "Nama le madi..." Ha o a ithuta hona seminareng, leha di le ntle hakaalo. Ha o a ithuta hona ka tumelwana ya kereke e itseng, leha e le ntle hakaalo. E itoketse, empa hase nama le madi a o senoletseng hona. Hase mohopolo wa hlalefo wa ho hlahisa puo ya hao, kamoo o tshwanelang ho inama kateng, mokgwa kapa hore o lokela ho etsa ntho efe e kgolo lefatsheng mona. Hase se yona. Hase ho haha ntho e kgolo kapa ho etsa ntho e kgolo. Seo e leng sona ke *tshenolo* ya Lentswe la Modimo. E ne e le Lentswe. "Lentswe le ne le le tshimolohong, mme Lentswe le ne le le ho Modimo, mme Lentswe e ne e le Modimo. Mme Lentswe la bonahatswa la aha hara rona." Yena e ne e le...eo e ne e le *tshenolo* ya Lentswe la Modimo.

⁸⁵ Moya o ka ho Petrose o no o senola ka *tshenolo* ya moya hore E ne e le Mora Modimo ya bonahaditsweng. Modimo wa Kganya a bonahatsa kganya ya Modimo. "Hodima lejwe lena (*tshenolo* ya moya ya Lentswe) Ke tla haha Kereke ya Ka." Hobaneng? Efela ha baporofeta bao ba ne ba le tlasa Modimo, ba buiswa ke Moya o Halalelang hore eo e ne e le Mora Modimo, ke ka wona Moya oo ho boelang ho senolwa ntho yona eo ka lehlakoreng lena. Le a e bona na?

⁸⁶ "Nama le madi," o ke ke wa ithuta yona seminareng. O ithuta ntho ya hao...o thola D.D. ya hao le Ph.D. ya hao le L.D., kapa...Dintho tseo di itoketse, eka nka be ke ena le yona. Ke hantle, empa le jwale ha eso be Yona. Ha o a tlameha le ho e fumana, leha kwana ho le hotle ho ba le yona. O ka ba ntho Ena, kopanya le; empa ha o tlameha ho hlakola kopanya le, ako nke ntho Ena. *Hona* ke Hwane. Ha hona e se Hwane, nke ke ithuele Hona leha ho le jwalo. Ke batla Hona! Hona!

⁸⁷ "Hase nama le madi a o senoletseng hona." Ha o a ithuta yona ka motjha wa thuto. Ha o a ithuta yona ka motjha wa diphutheho tsa mokgatlo. Di ntle, thuto, phutheho ya mokgatlo e ntle. Ke karolo ya yona. Empa batho ba itshetleha nthong eo haholo mme ba tlohela temoho ya moya. Le a bona?

⁸⁸ "Hase nama le madi a o senoletseng hona, empa Ntate wa Ka ya Lehodimong o o senoletse hona. Mme hodima lejwe lena Ke tla haha Kereke ya Ka, mme dikgoro tsa nqalo ya bafu ha di ka ke tsa E hlola." "Di ke ke tsa hlola le ka mohla," ho a bontsha hore di tla ema kgahlano le Yona.

⁸⁹ Jwale hlokamelang le bone moo dikgoro tsa dihele di leng kgahlano. Ha di kgahlano le diphutheho tsa bodumedi. Mmuso o hlompha hoo. Hase yona. Lefatshe le hlompha

diphutheho tsa rona tsa bodumedi, kaofela ha tsona. Re na le tokelo, e mong le e mong wa rona re leng baahi ba Amerika, re na le ditokelo tsa phutheho ya bodumedi, etswe ho le hotle, re ananelo seo. Empa hase seo dikgoro tsa dihele di leng kgahlano le sona. Ke kgahlano le tshenolo ya moyo ya Kreste ya leng teng mona jwale, yena maobane, kajeno, le ka ho sa feleng. Ke seo e leng kgahlano le sona. "Dikgoro tsa dihele di tla ema kgahlano le Yona, empa di ke ke tsa hlola."

⁹⁰ Ke moo he, temoho ya moyo. Ho sa tsottelehe hore ke mang, ke moena wa ka ha feela a leka ho fihlela sepheo se tshwanang le seo ke se sebeletsang. E ka ba moporofeta, ekaba modisa, ekaba motikone, ekaba sekete-kete, ere Modimo a mo hlomphe ka tsela *ena*, tsela *yane*, seo ekabang sona, ho nhlompholla, seo a batlang ho se etsa, empa esale moena wa ka eo. Re sebeletsa ntho e le nngwe. Re romela ntho ya rona—ya rona...mesebetsi yohle ya rona Mmusong o le mong mose wane. O sebeletsa ntho e tshwanang le eo nna ke e sebeletsang. Temoho ya moyo, tshenolo ya moyo ya Modimo. Shebang mona, ha le batla....

⁹¹ Jesu...Nkile ka rera kae-kae bosiu bo bong, ekaba tlase mane, "Tshimolohong Ho Ne Ho Se Jwalo." Re lokela ho kgutlela morao tshimolohong ho fumana mohlodithero wa rona jwale motsotsa feela. Tshimolohong e ne e le Kaine, mohlalefi, ya hahang kereke e ntla (re ka rialo), a etsa aletare e ntla, a nyehela sehlabelo, a rapela, ka botshepehi, a leboha, a lefa karolo ya hae ya leshome, ntho yohle ka borapedi bo tshwanang le ba Abele feela.

⁹² Empa Abele, (Bibele e le siyo mehleng eo), empa a bona ka tshenolo ya Moya hore ditholwana tsa tshimo hase tsona tse re dihetseng sebeng, hase diapole tseo ba di jeleng. Le a bona, e ne e se diapole, tshenolo e mmoleletse jwalo. Mme hase ditholwana tse mo ntshitseng mono. E ne e le bophelo, karohano ya bophelo; ka hona a tloha a tshwara konyana mme a e nyehela sebakeng sa hae ka tumelo, e leng tshenolo ya moyo. Amen! Tshenolo ya Modimo, tshenolo ya moyo e senoletsweng yena. Hase tholwana, hase diapole, hase diperekise, diporeime le dipere. E ne e le karohano ya bophelo, ka hona a tloha mme a tshwara bophelo mme a nyehela bona e seng ditholwana.

⁹³ Ditholwana ke seo o se jang, mesebetsi ya hao ke matsoho a hao ka sebele. Seo o se etsang mono, "Ke tla tloha ke ahe hona. Ke tla tloha ke etse hona. Ke tla tshehetsha *hwane*." Hoo ho hotle. A ena le aletare jwaloka e mong. Bobedi ba bona ba ena le dialetare. Hoo ho le hotle.

⁹⁴ Empa e ne e le nnete e senotsweng ka moyo ya taba eo, hobane Moya wa Modimo o e senotse, "Mme hodima lejwe leo,

lejwe leo Kreste a shwetseng hodima lona, Lejwe la mengwaha, lejwe leo konyana ya Abele e shwetseng hodima lona.” Abele eo e monyenyan yare ha a bea matsoho a hae hodima konyana e nyenyane eo, mme boyanyana ba yona bo bosweu bo kolobiswa ha a tshwara e—e lejwe, ba se na sabole tsatsing leo, mme a hlahlatha mmetsonyana wa yona jwalo mme a o batola. Mme nthwana ya batho ya shwa, madi a kolobisa diatla tsa hae, le boyana ba yona bo ne bo kolobisitswe ke madi, e bokolla mme e lla.

⁹⁵ E ne e bua kang? Konyana ya Modimo, dilemo tse ka etsang dikete tse nne hamorao, hoo ho senotse ka moyo kereke e Mo latolang. Mme batho ba Mmitsa “Belsebule” le “diabolosi,” hoba baporofeta bohole ba ne ba e boletse. Ba hanne baporofeta. Oh, O itse, “Le haha mabitla a bona, athe ke lona le ba kentseng mono. Lona mabota a masweu,” A rialo ho bona. Temoho ya moyo e le siyo, ka ho se tsebe hobane e ne e le Konyana ya Modimo eo. Hore o ne a lokela hoba jwalo le ho itshwara jwalo, hobane o ne a phethisa Lentswe la Modimo.

⁹⁶ Mme Kereke ya Moya o Halalelang kajeno, e itshwereng kamoo ba etsang, ho etsa dintho tseo ba di etsang, ba phetha Lentswe la Modimo. Alellua! Le a bona, Petrose o boletse, ka tsatsi la Pentekosta, “Hona ke hwane.” Mme a re, “E etseditswe lona le bana ba lona, le bohole ba leng hole, bao Morena Modimo wa rona a tla ba bitsa.”

⁹⁷ Bona baporofeta ba budulwetsweng bao ba boletse Lesedi la mantsiboya le tla tjhaba, ho fihle pula ya selemo le ya hwetla mmoho jwaloka mehleng ya mohau. Shebang mona. Ke eng? Dipula tsa selemo di a fihla, mme nako ya pula ya hwetla e fetile. E se e qaphane, mme e mmoho, pula ya selemo le ya hwetla mmoho, Moya o Halalelang o bontshwa ka matla le ka tsoho ya Jesu Kreste. Ke moo he, ho fihla mmoho, ya selemo...mohau wa Modimo! O itse, “Jwaloka mehleng ya Nowe.” Mohau wa hae o ne o mameletse. Kajeno ke ena, mamello, ho qaphana. E kopanya lero la mehla ya kgale le lero la letsatsi lena, mmoho. Pula ya selemo e matha e kena pele, pula ya pele eo re kileng ra e fumana, jwale ke mona ho fihla pula ya hwetla, pula ya selemo e tloposela hodima pula ya hwetla, botjhabelo le bophirima di kopana mmoho. Dipula tseo bobedi di na mmoho, phodiso ya Kgalalelo kopanya le Lengeloi la Modimo le senolang makunutu a pelo le ho etsahatsa ntho yohle. Oh, ekare bana ba Modimo ba tswetsweng ka nnete ba tla bona hoo. Ke moo he, Moya o senola tshenolo. Ke sona seo Jesu a itseng Kereke e tla ahwa hodima sona.

⁹⁸ Be, ke moo motho e mong a ka emang le ho re, “Be, ehlile, rona Sekete-kete, re ahilwe hodima Hoo.”

⁹⁹ Ha re qotse Lentswe la Hae ho tswela pejana. Thomo ya ho getela Kerekeng ya Hae, O itse, "Eyang ka lefatshe lohle mme le bolelle babopuwa bohole Evangeli." Lefatsheng lohle. E tla tswella nako e kae? Lefatsheng lohle. Ho ba bakae? Sebopuwa se seng le se seng. "Ya dumelang mme a kolobetswa," e seng kereke, "ya" ke leemedi la motho. "Ya dumelang," motho ka bomong.

¹⁰⁰ Jwaloka ha David DuPlessis a buile ka ditloholo, ha ho ditloholo Mmusong wa Modimo, ke bana! Ntatao e ne e le Mopentekosta mme wena o mpa o tla mona kerekeng ena kahobane a kena mona e—e Eleventh le Garfield, ho amohela Moya o Halalelang, ho o kenya jwaloka setloholo, o phoso! Modimo o tlameha ho Itshenolela wena.

¹⁰¹ Mme ha ho motho ya ka bitsang Jesu Kreste e le ka mohopolu wa hlalefo. Ha ho motho ya ka bitsang Jesu ke Kreste kahobane a ikutlwela bohloko ka dibe tsa hae mme a tlilo baka. Ha ho motho ya ka bitsang Jesu ke Kreste, ke feela ka...tshenolo eo ya Moya o Halalelang o mmolella yona. "Hodima lejwe lena Ke tla haha Kereke ya Ka, mme dikgoro tsa dihele di ke ke tsa E hlola." Ke eo tshenolo. Ke eo, seo A ahileng Kereke ya Hae hodima sona.

¹⁰² E entswe ke mang, Petrose? Tjhe, tjhe, tjhe. E entswe ke mang? Kreste o itse, "Tshenolo ya Modimo, Moya o Halalelang o tla le tlisetra yona. Ho se ho se hokae mme Ke se ke tla le siya, empa Ke tla rapela Ntate mme O tla le romella Moemedi, o tla le hopotsa dintho tsena." Na ho jwalo? O etsang hoseng hona. Mme o tla etsang? "Ho le bontsha tse tlangu." Moya o Halalelang ka Kerekeng mehleng ya qetelo.

Jwale o re, "Moena, alellua, ke kereke ya ka eo."

¹⁰³ Be butle motsotso! Jesu o itse, "Batho ba tla tseba jwana hore le barutuwa ba Ka," ho Mohal. Johanne 13:35, "Batho ba tla tseba tjena hore le barutuwa ba Ka, ha le ratana." Nnete e senotsweng ke Moya ya Mmuso o tlang wa Modimo, ho sheba pheletsong kwana, ho bona seo baporofeta ba se hlabeteng mokgosi, ho bona seo Jesu a buileng ka sona, mme ke mona wona Moya o Halalelang o leng ka ho wena o hlaba mokgosi hantle, "Ke hantle! Ke hantle!" Ke eng? Ke Nnete e senotsweng ka moyo. Ke rata moena wa ka ho sa tsottelehe moo ba kenang kereke teng, hore ke ba pula ya selemo kapa ya hwetla, kapa hase ba pula ho hang, ha ba le ka hara Mmele wa Kreste feela, ho leka ho finyella sepheo. Eseng ho hong ka morero wa—wa ho itshupa lefatsheng, empa ka morero wa Mmuso wa Modimo le bakeng sa kganya ya ho Tla ha Hae, ho senola le ho tsebahatsa ho Hlaha ha Hae ho tlang kapele.

¹⁰⁴ Jwale, ho kwaleng, re batla ho nahana sena. “Hodima lejwe lena Ke tla haha Kereke ya Ka,” ka nepahalo. Mme re ntoo fumana, kwana ho Johanne 14:7, O boletse hona, “Mesebetsi eo Ke e etsang, le lona le tla e etsa. Mesebetsi eo Ke e etsang.” O entse mesebetsi ya mofuta ofe ho Itsebisa? Le hopola Petrose, ha le kgone na? Seo re buileng ka sona, Filipi, mosadi sedibeng. Ho lepa hore e se ye ho Baditjhaba, empa e tla ya mehleng ya qetelo, jwaloka ha A boletse, “Jwaloka mehleng ya Sodoma, ho tlaba jwalo ho tleng ha Mora motho.” Ho na le tshenolo e ngotswang e le diphiri tjena, lefatsheng le kantle, lefatsheng le sa tsebeng letho ka Yona. Empa ho lona baena ba kgabane, lona dikgaitsedi tse kgabane, ha le bana ba lefifi, ha le bana ba bosiu, empa le bana ba Lesedi, ho tsamaya Leseding jwaloka ha le Yena a le Leseding, ke moo re nang le kopano le e mong le e mong, ha Madi a Jesu Kreste, Mora Modimo, a ntse a re hlatswa bohole dibe tsohle tsa rona. Ke moo he, bahlanka ba Morena.

¹⁰⁵ Jesu... Jwaloka ha ke qotsa Lengolo la ka hodimo mona, ke tshwere Mareka 16, e, Mareka 16, O itse, “Eyang ka lefatshe lohle.” Ke wona mofuta wa Kereke eo A e hlomileng. Thomo ya ho qetela ho Kereke, “Eyang ka lefatshe lohle, bolelang mmopoqua e mong le e mong Evangeli. Ya dumelang mme a kolobetswa o tla bolokeha. Ya sa dumeleng o tla tsuwa.” Jwale shebang mona, shebang ena ya moyo temoho... “Ya dumelang mme a kolobetswa.” Hantle ha A bolela ka mokgwa ofe, empa re batla ho qwaketsana ka yona, le a bona, ntho e nngwe hape. Le a bona, “Ya dumelang mme a kolobetswa o tla bolokeha.” Hore o batla ho kolobetswa jwang, ke taba ya hae. Ha feela morero wa hae o le bakeng sa Mmuso wa Modimo, tloo, moena. Re hwanta mmoho ka Moya o le mong. Ha ke le phoso, o ka bolela, e tla hlathella jwalo. Mme ha o le phoso, e tla ba ntho eo. Empa dipelo tsa rona le merero ya rona le dipheo tsa rona ke tsa Mmuso wa Modimo mose kwana. Re mose wane, re supile Kalvari.

¹⁰⁶ Nna le mehopolo ya ka, kgele, ke na le... Ha ke na moena ya ratang pae ya kheri jwaloka nna, empa re moena. Le a bona? Ha ho ba ratang ho tshwasa dihlapi le ho tsoma jwaloka nna, empa re baena. Le bona seo ke se bolelang? Ke na le mehopolo ya ka, empa hoo ha ho mo etse hore e se be moena wa ka, ntatae ke ntate wa ka, lelapa la hae ke lelapa la ka. Ke moo he.

¹⁰⁷ Bapatriareka bohole ba ne ba fapane, empa ntate a le mong mme e ne e lokela ho sebeletsa nthong e le nngwe, mme ba latola wa sehloho ka mono kahobane e ne e le motho wa moyo. Ha le E bone, baena? Ha le kgone ho bona seo ke buang ka sona?

¹⁰⁸ Jwale lemohang, mme re a...ho kwaleng, “Eyang ka lefatshe lohle, le bolelle mmopoqua e mong le e mong

Evangeli. Ya dumelang mme a kolobetswa o tla bolokeha. O...” [Sekgeo lebanteng—Mong.] “Mme mehlolo ena e tla tsamaya le ba dumelang; ba tla leleka matemona ka Lebitso la Ka, ba tla bua ka dipuo tse ntjha.” Ke eng? Tshenolo ya moy. Le a bona? “Ba tla bua ka dpuo tse ntjha. Ha ba tshwara dinoha kapa ba nwa dintho tse bolayang, di ke ke tsa ba ntsha kotsi. Ha ba bea matsoho a bona hodima bakudi, ba tla fola.” Ke seo Kereke e Ntjha e ne e le sona. Ke mofuta wa Kereke oo Jesu Kreste, e moholo Enwa eo baporofeta ba hhabileng mokgosi hore o tla e etsa. Re fumana Moya wa Hae o fihla ka mona mme o lepa hore Moya wa Hae ka ho batho o tla boela o kgutla hantle mme o etsa dintho tseo A di entseng.

¹⁰⁹ Ha nke ke kwale ka ho bua sena. Ke tshwere Mangolo a ka etsang tosene ho feta mona, empa ha re na nako. Le a bona? Empa mame lang sena. Ha nke ke kwale ka ho bua sena. Moporofeta e mong le e mong wa nnete wa Morena ya tswetsweng la bobedi, moreri, moruti wa sekolo sa Sontaha, seboni, moapostola, morongwa, seo a ka bang sona, pelo ya hae yohle e theilwe, mme o tlatsitswe le ho tlotswa ke Moya wa Modimo, o tlotsitswe hakana. Hore ofisi ya hae ke efe, hore e ka ba efe, ho rera, kapa ho ruta, kapa ho bolela tsa evangeli, kapa ho bona dipono, hore ekaba efe, o tla e etsetsa Mmuso wa Modimo. Mme Moya wa Modimo o tla boela o bua hantle ka monna le ho bontshahatsa hore ke Mmuso wa Modimo.

¹¹⁰ Ke moo rona... Nna jwaloka Mobaptise, ke bonang lona Mapentekosta, le moena wa ka. Ha le ditho tsa kereke ya Baptise, ke ne ke le sona. Ke yona feela kereke eo nkileng ka ba setho sa yona, e ne e le kereke ya Baptise. Empa hoo ha ho eme tseleng ya ka, ke bona seo Moya wa Modimo o leng sona ka ho lona. Ke bona seo le lekang ho se etsa. Be, ha nna, Mobaptise, nka ikutlwa jwalo, ruri Maassemblies, Kereke ya Modimo, Mapentekosta a Kopaneng, Baikemedi, mme rona bohole baena mmoho re tshwanetse ho bona hore re leka ho sebeletsa morero o le mong. Ha re beng le temoho ya moy.

¹¹¹ Jwale mame lang. Ho kwaleng, ke tla hlahisa polelo ena ya ho qetela. Ba bangata ba kula mme ba fokola hara lona, mme ba bangata ba se ba robetse, ba shwele moyeng, kahobane ha ba lemohe Mmele wa Kreste. Mmele o kulang wona oo re nang le wona! Modimo a re thuse ho ba le temoho ya moy ya tshenolo eo ya Mmuso wa Modimo le lerato la Modimo dipelong tsa rona, le tshetsweng ke Moya o Halalelang, ho leka ho phuthulla matsoho a rona, ho re, “Re baena.” Le bona seo ke se bolelang? Mme neonyana e nngwe le e nngwe eo le nang le yona, le se e sebedisetse ho leka ho re etsetsa ntho e kgolo, ha re e etsetseng Mmuso wa

Modimo, ho sebetsa le e mong le e mong mmoho, ho leka ho phahamisa morero wa Jesu Kreste, hoba ho Tla ha Hae ho fihla kapele. Le a e dumela na?

¹¹² Ke maswabi ho le tshwarella halelele hakana. Moena David o tla fihla mona hosane ho le ruta Mangolo, empa ha jwale ha re inamiseng dihloho tsa rona motsotso feela. [Moena o bua ka puo e nngwe. Kgaitsedi o fana ka hlaloso—Mong.]

Raohang, masole a Bakreste!

Le hwantele ntweng,

Ka sefapano sa Jesu

Se eteletse pele;

Ha re a arohana,

Re mmele o le mong;

Re bang tshepong le thutong,

Re bang leratong.

Raohang, masole a Bakreste! (le dumela hore
le wona? phahamisa letsoho la hao)

Le hwantele ntweng, (ka eng?)

Ka . . . (sepheo sa rona) Jesu

Se eteletse pele.

Modimo a le hlohonolofatse. Modisa wa lona.



TEMHOH YA MOYA SST60-0308

(Discernment Of Spirit)

Molaetsa wona, ka Moena William Marrion Branham, o rerilwe sethatong ka Senyesemane ka Labobedi hoseng, Hlakubele 8, 1960, mane First Assembly of God, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org